

Gangj daengz faenjsae, gou gag nyinhnaeuz guek raeuz mbouj miz geijlai vunz mbouj rox. Faenjsae dwg gijgwn mizmingz Guengjsae Liujcouh, miz gij feihdauh daegbied soemj, manh, singisien, sangj, ndat. De aeu faenjhaeux unqraeuh sangjbak Liujcouh gagmiz, gya roengz rangzsoemj, raetmoenggaex, duhdoem ceuj, naeng daeuhfouh cauq, byaekheu daengj boiqliuh caeuq raemxdang nohsae manh doxgyaux guh baenz. Aenvih feihdauh singisien geizheih, hawj vunz gwn liux lij siengj gwn dem. Seizneix, vihliux habhoz bouxgwn engq lai, faenjsae hix ciuq sim' ei q bouxgwn boiq miz haujlai saejdaeuz, lumjbaenz daeuhfouh cauq, nyaujbit, nohgamou daengj.

Gou mbouj dwg vunz Liujcouh, mbanjranz gou youq Cingsih diegbya gyae'gyae, aenvih liz yienhsingz gyae lai, gou daengz yienhsingz doeg gauhcungh cij rox faenjsae gij doxgaiq neix. Caeuq seizneix doxdoengz, hagseng cungj mbouj haengj gwn haeuxbyaek ndaw sizdangz hagdangz geijlai, moix aen singgeiz cungj miz donq song donq youq rog hagdangz gwn roxnaeuz daj rog cawx dauq gwn. Gijgwn gyoengq doengzhag cawx dauq gwn dingzlai dwg faenjsae.

Mwhhaenx gou caengz ndaej gwn gvaq faenjsae, ndigah gou raen geizheih dangqmaz, hoeng cix mbouj cam gyoengqde gvaq gij faenjsae miz maz ndei gwn. Miz baez ndeu, boux doengzhag ndeu naengh youq henz gou gwn faenjsae, gij yiengh de couh lumj



Gou Caeuq Faenjsae

我与螺蛳粉

□ Dahdingz

gwn gij doxgaiq dai hix dij nei, gou yawj le caen nyaenx mbouj ndaej lo, gietdingh banhaemh roengzdangz couh okbae cimzcimz. Roengzdangz le, gou ndoj haeuj ndaw gyoengq doengzhag ninzgwn youq rog, laeglemx buet ok hagdangz bae, baezneix dauqdaej ndaej gwn faenjsae baez ndeu lo, yawj gyoengq doengzhag baenzneix maez de, wnggai ndei gwn ba!

Byaij daengz bouq faenjsae, moix vanj sei q maenz haj, baenzneix bengz! Sei q maenz haj gou youq ndaw hagdangz cungj ndaej gwn song donq noh lo! Hoeng, gou caengz ndaej gwn faenjsae gvaq, suenq lo, gwn couh gwn ba. Gou haebhaeb heuj, daj ndaw daehvaq mbon ok haj maenz ngaenz, aeu vanj faenjsae ndeu, lauxbanj boujdauq haj gak, sim'in liux lo! Caeklaiq vanj faenjsae gig rim, ndawde lij miz haujlai doxgaiq, cei q youqgaenj dwg ndawde lij miz di nohcacau, gou cei q maij gwn noh lo, dij lo! Gou gwn mbouj ndaej manh, haxbaenh gaenq daengq lauxbanj

faenjsae gou mbouj aeu manh lo, hoeng lauxbanj naeuz faenjsae mbouj coq manh fouzfeih, coq di hawj gou ndwi. Seizneix faenj haeuj bak, daengx bak doq manh ndaej maz feihdauh hix cimz mbouj ok, lij aegege, faenjsae gwn mbouj baenz lo, caen dwg laemq ngaenz, baezlaeng cai q mbouj gwn faenjsae lo!

Sujgyaj gauhcungh bizyez bihaenx, lwgbyai bajsei q ranz youq Liujcouh haenx aeu yah, gou caeuq daxboh bae ranz de gwn laeuj, neix dwg gou baez daih'it daeuj Liujcouh. Ngoenzhaenx hoihlaeuj caengz hainduj, gobiujngeih couh daengq gou haeuxcaeuz itdingh aeu gwn noix di, laeng di de dai q gou caeuq dahlaenj bae gwn doxgaiq ndei. Gou gig geizheih, couh cam de dauqdaej bae gwn maz, hoeng, de dan riunyumnyum cungj mbouj gangj. Gou youh yaek cam, dahlaenj raen le couh riu dwk doi q gou naeuz: "Daengz seizhaenx mwngz couh rox lo, gou haengjdingh mwngz maij gwn." Vah gangj

baenzneix lo, gou lij cam maz ne?

Deq dwk lo. Haemhhaenx 10 diemj lai, gobiujngeih couh dai q dou ok dou, youq gwnz roen gou caen dwg youh geizheih youh miz di faengz. Hoeng, gobiujngeih dai q dou haeuj bakdou aen bouq faenjsae ndeu seiz, gou cungj dadaengx caez, ndawsim gag ngeix, gij doxgaiq gobiujngeih gangj mbouj dwg faenjsae gij doxgaiq gou gangj gvaq baezlaeng mbouj cai q gwn saek baez haenx ba? Caen dahraix, gobiujngeih hai bak haenh naeuz: "Faenjsae, huq ndei Liujcouh, daengx guek mizmingz! Feihdauh youh manh youh sangj, mwngz haengjdingh maij gwn!" Gobiujngeih mbouj rox de gangj coenz vah neix gou gaenq nyapnyuk lo, gou caen mbouj siengj gwn ha! Hoeng, yawj gij yiengh gobiujngeih caeuq dahlaenj, baenzneix faengz, gou youh mbouj nyaenxsim gangj gou mbouj haengj

(caengz sat)

Gag Gwn Makhaemz

自食恶果

□ Hoz Cunghliuj / 何宗柳

Daeggvai lij doeg siujyoz roek nienzgaep seiz, gig maij Lij lauxsae. Lij lauxsae son Yijvwnz, bouxvunz gig simndei, dayoz bizyez ngamq daeuj aen hagdangz ndaw luegbya neix gunghcoz.

Seizde, ndaw hagdangz mbouj miz cingjraemx, gij raemxgwn gyoengq lauxsae aeu bae aen mboq liz hagdangz miz leix loh gyae aeu. Daeggvai ciengz bang Lij lauxsae bae doz raemx, gvak suen, rwed byaek daengj. Aenvih de rox Lij lauxsae miz vwnzva, daengzcog itdingh swngguen. Lij lauxsae hix gig maij Daeggvai, de rox ranz Daeggvai hoj, ciengz bang de cawx bit cawx sawbough. Mizseiz, lij nyegvaih gag son de. Song boux gig doxhuz.

Doeklaeng, lauxsae yunghsim son, Daeggvai haenqrengz hag, Daeggvai cingzcik yied daeuj yied ndei. Cib bi gvaqbae lo, Daeggvai dayoz bizyez lo. Bihaenx, Daeggvai bae gauj gunghvuyenz. Bizsi sat, cingzcik Daeggvai baiz mingz daihngieih. Danghnaeuz mensi mbouj miz maz vwndiz, Daeggvai wnggai ndaej dang gunghvuyenz lo. Baezneix yaek aeu 5 boux vunz. Ngoenz he, Daeggvai caeuq 7 mbauqsau bae mensi. Daeg-

gvai gig angq byaij haeuj gaujciengz, de baez yamq haeuj dou couh doeksaet lo, byawz rox Lij lauxsae dwg mensi bingzveij. Song boux de baez raennaj couh doxgot hwnjdaej.

Mensi sat, Daeggvai cingj Lij lauxsae bae gwn laeuj. Lij lauxsae hix mbouj guhhek. Song boux de youq ndaw diemq gwn ndaej haemq nanz. Danghnaeuz yah Lij lauxsae mbouj daeuj heuh Lij lauxsae baema, Lij lauxsae couh fiz youq ndaw diemq lo.

Dauq ranz lo, Daeggvai gig angq lwnh gij saeh neix hawj vunz daengx ranz nyi. Gyoengqde vuenheij raixcaix, riu naeuz: "Miz vunzgveiq bang, haengjdingh ndaej lo……" Hoeng Daeggvai deq daengz myaiz miz feihhaemz bae, hix mbouj raen miz siusik ndei. De gip ndaej lumj duzmoed youq gwnz cauq remj nei.

Ngoenz he, Daeggvai dawz di huq ndei bae ra Lij lauxsae. Daengz le, Lij lauxsae mbouj youq ranz. Yah Lij lauxsae dawz fung saenq ndeu daeuj gyau hawj de, naeuz: "Lij lauxsae daengq gou, naeuz naengh mwngz daeuj, couh hawj mwngz, mbaw saw dunghcih youq ndawde. Gij huq mwngz dawz daeuj gou mbouj aeu, mwngz dawz dauqbae."



Seizcou mbwn sang raemxdah caem.

(Yizmingz ingj)

Raen naeuz ndaej dunghcih, Daeggvai angq ndaej yaek fwngz foux din diuq hwnjdaej. Yah Lij lauxsae mbouj sou huq de, de couh dawz dauq. Yah Lij lauxsae baez haepdou, de sikhaek vai q byaij roengz laeuz, daengz laj gomienz he naengh ndei couh cek saenq daeuj yawj: "…… Mwngz lij geiq ndaej mwngz doeg roek nienzgaep seiz ba, mwngz naeuz ranz mwngz ciengx miz gaeqdoj, miz gyaeqgaeq gai, gou coh mwngz cawx 100 aen. Gizsaed ranz mwngz mbouj ciengx saek duz gaeq, mwngz bae gwnz haw cawx aen gyaq ndeu 5 gak dauq, gai hawj gou aen ndeu maenz ngaenz he. Doeklaeng, mwngz bae

doeg cuhcungh le, lij baenzneix yaeuh gvaq geij boux lauxsae. Hoeng, seizhaenx dou mbouj ok sing, mbouj hongz mwngz, lau mwngz rox le mbouj cai q gaenx hag. Lij iq caeg cim, majhung caeg gim. Seizneix naengh aeu mwngz guh gunghvuyenz, lau mwngz doeklaeng miz gienz le engq dam, baenzneix hix dwg haih guekgya haih lwgminz haih mwngz bw. Vih neix, baezneix couh suenq lo, baezlaeng cai q gangj ba……"

Daeggvai yawj saenq caengz sat couh ngunh youq laj gomienz lo. Gwnz faex vamienz hai hoengh, roeg'a swenjgya'gya, lumjbaenz byaep Daeggvai.